

**Division I: Caesar**  
***De Bello Gallico* Book V, Chapter 12**

Introduction to the passage: In this passage Caesar pauses momentarily on the description of his second landing in Britain to describe its inhabitants and a few features of their culture, practices, and the nature of their land.

Brittaniae pars interior ab eis incolitur quos natos in insula memoria proditum dicunt, maritima pars ab eis qui praedae ac belli inferendi causa ex Belgio transierant, qui omnes fere eis nominibus civitatum appellantur quibus orti ex civitatibus eo pervenerunt, et bello inlato ibi permanserunt atque agros colere coeperunt. Hominum est infinita multitudo creberrimaque aedificia fere Gallicis consimilia, pecorum magnus numerus. Utuntur aut aere aut nummo aureo aut taleis ferries ad certum pondus examinatis pro nummo. Nascitur id plumbum album in mediterraneis regionibus, in maritimis ferrum, sed eius exigua est copia; aere utuntur importato. Materia cuiusque generis ut in Gallia est, praeter fagum atque abietam. Leporem et gallinam et anserem gustare fas non putant; haec tamen alunt animi voluptatisque causa. Loca sunt temperatiora quam in Gallia, remissioribus frigoribus.